

Un Arubiano ta e persona clave den e guerra di Irak

ORANJESTAD(AAN)-Richard Oduber ta un militar veterano cu a yega di pasa den varios guerra caba.


E.o. den e guerra di Golfo, den esun cu Merca a invadi Panama, y pa hopi tempo caba e ta ariba e mision pa infiltra Irak.

Actualmente Ricky kende ta yiu di difuntonan Juli y Dolfy Oduber, ta staciona na Alemania unda e base militar di Merca ta, pero ya caba e sa cu un ora pa otro e lo worde yama pa bay pa un otro mision.

Segun Ricky, cu ta un Sergeant Mayor di 101st Batallio, ta conta su ruman muher aki na Aruba cu te cu awor e ta bon, y cu e ta asumi su responsabilidad cu el a scoge.

El a bisa su ruman Carmen Jo, cu hopi hende no ta realisa loque ta pasando realmente. E guerra aki no ta manera esnan anterior cu Segun Ricky Oduber, Merca a yega invadi, pero tin hopi procesonan su tras.

Merca a duna Saddam 12 año pa e desarma su



armanan pero no a haci nada y awor Merca no mester di aprobacion pa drenta e lugar.

Na unda cu Ricky ta actualmente na Alemania ta unda e base militar di Merca ta, y na unda e ta supply tur e avionnan cu ta bay pa Iraq y door cu e ta un veterano caba den guerra e ta un persona clave den su mision.

E ta den contacto constante

tambe cu su famia aki na Aruba caminda e ta yama nan cada bez cu algo pasa pa nan sa cu e ta bon.

Por a comprende cu Ricky ta casa cu un Arubiano Shirlene Oduber-Rayman cu tambe ta traha den army y asina nan ta den contacto constantemente cu otro y tambe e tin 3 yiu Alexandra di 19 año, Kurtis di 14 año y Jose Antonio di 4 año.